



PROPOZICIJE TAKMIČENJA

PROPOZICIJE TAKMIČENJA LIGA MLADIH KS TK U SEZONI 2023./2024. GODINA

I OPŠTEODREDBE

Član 1.

Liga mladih Košarkaškog saveza Tuzlanskog kantona (u daljem tekstu Liga mladih KSTK) igra se u okviru sistema takmičenja za omladinske selekcije u okviru KSTK.

Liga mladih KSTK igra se u tri starosne kategorije: Pioniri, Kadeti i Juniori. Takmičenje u kategoriji pionira i kadeta je obavezujuće za učešće u Ligi mladih.

U prvenstvu Lige mladih RKS Tuzla u takmičarskoj 2023-2024 godini učestvuje 16 klubova.

Sistem takmičenja Lige mladih RKS Tuzla u takmičarskoj sezoni 2023-2024 godina odvija se u dva nivoa.

U prvom nivou takmičenja klubovi su razvrstani u dvije grupe sa po 8 klubova. Ekipe po trokružnom sistemu takmičenja prvo igraju ligu od 14 kola svako sa svakim (domaćin-gost). Prvoplasirane ekipe u svakoj kategoriji nakon odigranih 14 kola stiču pravo nastupa i ostvaruje plasman u Omladinsku ligu KS BiH.

Takmičenje u Ligi mladih KSTK se nastavlja odigravanjem još 7 kola po rasporedu identičnom kao u prvih sedam kola

U prvom dijelu drugog nivou takmičenja igraju se utakmice četvrtfinala Play Off-a. Ekipe koje ostvare plasman od prvog do četvrtog mjesta po grupama igraju utakmice četvrtfinala Play Off-a. Pobjednici četvrtfinalnih dvoboja ostvaruju plasman na završno takmičenje u Final four.



PROPOZICIJE TAKMIČENJA

Na završnom turniru Final Four-a odigravaju se dvije polufinalne utakmice, utakmica za 3. mjesto i finalna utakmica. **Pobjednik finalne utakmice Play Off-a postaje prvak Lige mladih za sezonu 2023/2024.**

Prve tri ekipe u sve tri kategorije će po završetku takmičenja dobiti pehare, a svi igrači i treneri medalje.

Domaćin i organizator završnog Play off-a turnira odredit će se na osnovu boljih ponuda ekipa koje se prijave za organizaciju Play off-a.

Termine odigravanja Play Off-a određuje Komesar takmičenja po završetku lige.

Na snazi i dalje ostaje Odluka da se u kadetskoj i pionirskoj konkurenciji ne igra bilo koji oblik zonske odbrane u zadnjem polju odbrambene ekipe.

Kazna za POSTAVLJANJE ZONE je prvo opomena treneru odbrambene ekipe, a nakon ponovljene greške trener se kažnjava dosuđenom Tehničkom greškom

Član 2.

Utakmice Lige mladih KSTK u sezoni 2023/2024 godine, igraju se prema odredbama Košarkaških pravila Međunarodne košarkaške federacije (FIBA), odredbama ovih Propozicija i odredbama normativnih akata Košarkaškog saveza Tuzlanskog kantona i KSBIH, koja se odnose na takmičenja.

Član 3.

Organizaciju takmičenja, poštovanje odredbi Košarkaških pravila i ovih Propozicija, te ostalih pravilnika, provodi Komesar takmičenja Lige mladih Košarkaškog saveza Tuzlanskog kantona i. Komesara takmičenja određuje Predsjedništvo KSTK.

Komesar takmičenja registraciju utakmica i odluke saopštava putem Biltena koji se kreira nakon svakog odigranog kola, utakmica Play Off-a kao i nakon utakmica Final Four-a.

Svi bilteni i odluke Komesara takmičenja bit će dostupni i na web stranici KSTK.



PROPOZICIJE TAKMIČENJA

Član 4.

Za Ligu mladih KSTK 2023/2024 godine objavljuju se prilozi Propozicija koje sadrže :

- raspored takmičenja i kalendar takmičenja
- zapisnik sa sastanka ligaša
- obrasci

Član 5.

Utakmice Ligu mladih KSTK 2023/2024 godine, igraju se prema utvrđenom rasporedu i kalendaru takmičenja.

Utakmice prvog dijela prvog nivoa takmičenja Lige mladih KSKT igraju se po dvostrukom bod sistemu (jedna utakmica kod kuće i jedna u gostima).

Utakmice se igraju u vremenu koje odredi domaćin utakmice, s tim što utakmica ne može početi:

- subotom prije 8.00 ni poslije 20.00 sati
- nedjeljom prije 8.00 ni poslije 20.00 sati

Mjesto i vrijeme (dan i sat) odigravanja utakmice klub domaćin dužan je pismeno prijaviti Komesaru takmičenja pet (5) dana prije odigravanja utakmice.

Utakmice se mogu igrati i izvan naznačenih termina uz dogovor predstavnika obje. Odluku o promjeni utvrđenih termina donosi Komesar takmičenja. O postignutoj saglasnosti klubovi su obavezni, u pismenoj formi, obavijestiti Komesar takmičenja.

Klub koji je prijavio utakmicu u određenom roku, a kasnije iz objektivnih razloga (koje mora dokazati validnom dokumentacijom) mijenja satnicu ili dvoranu, može to učiniti najkasnije dva dana (48 sati) prije prvobitno zakazanog termina.

Komesar takmičenja može, ukoliko smatra da je u interesu regularnosti takmičenja, odlučiti da se sve ili pojedine utakmice jednog kola igraju istog dana s početkom u isto vrijeme.



PROPOZICIJE TAKMIČENJA

Član 6.

Klubovi u pravilu ne mogu tražiti odlaganje utakmice osim u vanrednim okolnostima.

Otkazivanje utakmica je moguće uz saglasnost oba kluba i Komesara takmičenja.

Otkazanu utakmicu klubovi su dužni odigrati u roku 15 dana od kola u kojem se trebala ista odigrati.

Ako u roku od 15 dana domaćin ne dostavi termin koji je usaglasio sa gostujućom ekipom utakmicu gubi službenim rezultatom (0:20).

Ako gostujuća ekipa u roku 15 dana ne prihvati ponuđene termine odigravanja utakmica koju je domaćin predložio gubi utakmicu službenim rezultatom.

Konačnu odluku o odlaganju utakmice ili kompletnog kola donosi Komesar takmičenja.

Prekinuta utakmica zbog opravdanog razloga ili usljed više sile nastavlja se tako što se u momentu prekida utakmice uzimaju u obzir vrijeme i rezultat.

II TEHNIČKI NORMATIVI

Član 7.

Utakmice Lige mladih KSTK igraju se u dvoranama, koje je odobrila Takmičarska komisija KSTK i za iste utvrdila da zadovoljavaju minimalne uslove za odigravanje utakmica u ovom takmičenju.

Temperatura u dvorani u kojoj se odigrava utakmica mora iznositi najmanje 15 stepeni Celzijusa.

Dvorana mora imati najmanje po jednu svlačionicu za svaku ekipu i za sudije, koje moraju biti zaključane i čuvane.

Domaćin susreta dužan je prije početka utakmice, a po izlasku na teren za igru staviti na raspolaganje gostujućoj ekipi 2 ispravne lopte za zagrijavanje, a prvom sudiji utakmice loptu s kojom će se igrati.



PROPOZICIJE TAKMIČENJA

Član 8.

Domaće ekipe su dužne na raspolaganju imati dvije garniture dresova u različitim bojama, kako bi se izbjeglo da ekipe na teren izađu u dresovima iste boje.

Ekipe su dužne dan prije odigravanja utakmice u međusobnoj komunikaciji usaglasiti boje dresova u kojima će nastupiti. U slučaju neusaglašavanja, domaćin je dužan koristiti drugu garnituru dresova.

Dresovi su obilježeni prema odredbama košarkaških Pravila.

Član 9.

Ukoliko se na igralištu nalazi razglasni uređaj osoba koja govori na mikrofону nalazi se za posebnim stolom pokraj zapisničkog stola. Razglasni uređaj služi samo za davanje obavještenja o utakmici. Nije dopušteno korištenje mikrofona za poticanje navijača, komentarisanja, suđenja i slično.

III EKIPE, TRENERI I SLUŽBENE OSOBE

Član 10.

Na utakmicama Lige mladih KSTK u sezoni 2023/2024 godine, mogu nastupiti igrači koji su licencirani za igru od strane Košarkaškog saveza tuzlanskog kantona.

Licenciranje igrača vršit će se u skladu sa važećim Registracionim pravilnikom KS BiH i Propozicijama takmičenja.

Svaka ekipa sastoji se od najviše 12 igrača.

Minimalni broj igrača koji mora nastupiti na utakmici je 8 (osam). Ukoliko ekipa ima manje od osam igrača prije podbacivanja, utakmica se neće igrati i bit će registrovana službenim rezultatom 20:0.

Ukoliko jedna ekipa ima manje od osam igrača prije podbacivanja, utakmica se može igrati uz pismeni pristanak službenog predstavnika druge ekipe, koji evidentira komesar ili prvi sudija u Izvještaju sa utakmice.

- Pioniri su igrači rođeni 2010. godine i mlađi,



PROPOZICIJE TAKMIČENJA

- Kadeti su igrači rođeni 2008. godine i mlađi,
- Juniori su igrači rođeni 2006. godine i mlađi

Trener ili Službeni predstavnik ekipe dužan je 20 minuta prije početka utakmice komesaru utakmice na **zvaničnim obrascima Lige**, predati:

- Listu igrača, trenera, službenih osoba (propisani obrazac) i drugih timskih pratilaca,
- licence igrača, trenera, pomoćnike trenera, ljekara, fizioterapeuta i službenog predstavnika kluba.

Ukoliko na utakmici nastupi igrač koji nije uredno registrovan, klub gubi utakmicu službenim rezultatom i biti će kažnjen u skladu sa Propozicijama ovog takmičenja.

Član 11.

Ljekarski pregled svih licenciranih igrača obaveza je klubova prije početka takmičenja. Dokumentaciju o izvršenom ljekarskom pregledu klubovi su dužni arhivirati, te predočiti Komesaru takmičenja u slučaju da za to postoji potreba (zahtjev nadležnih organa kod nesretnog slučaja).

Dužnost trenera i pomoćnika trenera mogu obavljati samo osobe koje posjeduju trenersku licencu, izdatu i ovjerenu za sezonu 2023/2024.

Član 12.

Na klupi za rezervne igrače mogu sjediti samo osobe koje su navedene u "Listi igrača i službenih osoba".

Komesar takmičenja može odbiti izdavanje licence predloženoj osobi ukoliko procijeni da njegovo dosadašnje ponašanje nije bilo na potrebnoj sportskoj visini ili povući licencu ukoliko ovakvi razlozi nastanu tokom takmičenja. U tom slučaju klub ima pravo predložiti nove osobe.



PROPOZICIJE TAKMIČENJA

Član 13.

Službeni predstavnik domaćina, u ime kluba domaćina, odgovoran je komesaru utakmice (prvom sudiji ako nema komesara) za organizaciju utakmice. Po dolasku službenih lica u dvoranu domaćin je dužan saopštiti Komesaru utakmice koja osoba obavlja dužnost službenog predstavnika.

Službeni predstavnik isključivo ostvaruje komunikaciju sa službenim licima delegiranim od Komesara takmičenja (komesar, sudije i pomoćne sudije) u predviđenom vremenu i na način propisan službenim pravilima igre.

Za vrijeme utakmice službeni predstavnik kluba domaćina mora sjediti na klupi za rezervne igrače ekipe domaćina.

Službeni predstavnik može biti i osoba koja obavlja druge funkcije u klubu: trener, član rukovodstva, ljekar i sl. a u tom slučaju u Prijavnoj listi može biti naveden na dva mjesta.

Član 14.

Igračima, trenerima, pomoćnim trenerima i predstavnicima klubova zabranjuje se davanje izjava u medijima i komentarisanje na društvenim mrežama, koje izlaze iz okvira sportskog ponašanja a odnose se na rad službenih lica. Također nije dozvoljeno davanje na uvid neslužbenim osobama dokumenta vezanih za utakmicu.

Član 15.

Osim službenih predstavnika kluba, svaki klub sudionik Lige mladih KSTK sezone 2023/2024 godine odrediće jednu odgovornu osobu kluba za ovlašteno službeno kontaktiranje sa Komesarom takmičenja.

IV- KOMESAR, SUDIJE I POMOĆNE SUDIJE

-KOMESAR

Član 16.

Funkciju komesara na utakmicama Lige mladih KSTK sezone 2023/2024 godine obavljaju osobe koje se nalaze na "Listi komesara" utvrđenoj nakon završenog testiranja na početka takmičarske sezone.



PROPOZICIJE TAKMIČENJA

Nominaciju komesara na utakmicama Lige mladih KSTK sezone 2023/2024 godine obavlja Komesar za nominaciju službenih lica.

Član 17.

Komesar kontroliše kartone pomoćnih sudija, igrača, službenog predstavnika kluba, trenera, pomoćnika trenera, ljekara i fizioterapeuta.

Komesar je dužan pratiti zbivanja u gledalištu i igralištu i, u slučaju ako je to potrebno, izvještavati sudije kako bi oni mogli pravovremeno poduzeti odgovarajuće mjere.

Komesar je odgovoran za rad pomoćnih sudija za zapisničkim stolom.

Član 18.

Disciplinsku odgovornost komesara utakmice procesuiru i riješava Komesar takmičenja.

Član 19.

Komesarima se zabranjuje komentarisanje za javnost svih momenata u vezi sa odigranom utakmicom.

-SUDIJE

Član 20.

Utakmice Lige mladih KSTK sezone 2023/2024 godine sude sudije sa "Liste sudija" koja je utvrđena nakon završenog testiranja, prije početka takmičenja.

Klubovi ne mogu tražiti izuzeće sudija s utvrđene liste.

Nominaciju sudija za utakmice Lige mladih KSTK obavlja Komesar za nominaciju službenih lica.

Sudije su dužne o eventualnoj spriječenosti angažmana u ovom takmičenju obavijestiti Komesara takmičenja prije nego što se izvrši nominacija.



PROPOZICIJE TAKMIČENJA

Sudije su dužne potvrdu nominacije izvršiti odmah a najkasnije 24 sata po prijemu iste, u protivnom će se smatrati da je ista neopravdano otkazana.

Nominacija se potvrđuje pismenim ili elektronskim putem.

Član 21.

Ukoliko jedan ili obojica sudija ne dođu na utakmicu, komesar određuje zamjenu među prisutnim sudijema sa Liste sudija.

Ukoliko ne postoji uvjet za ispunjavanje prethodnog stava, komesar će odložiti utakmicu o čemu je isti dužan odmah obavjestiti Komesara takmičenja.

Odluku o novom terminu odigravanja utakmice donijet će Komesar takmičenja.

Ovako nastale troškovi snosi organizator takmičenja.

Član 22.

Sudije su potpuno samostalni u donošenju odluka.

Prvi sudija smatra se odgovornim u djelokrugu ovlaštenja propisanih košarkaškim Pravilima.

Član 23.

Prvi sudija odlučuje o prekidu utakmice, djelomičnom ili potpunom pražnjenju dvorane u slučaju da gledaoci nesportskim navijanjem, uvredljivim i vulgarnim dobacivanjem vrijeđaju jednu od ekipa, sudije ili službene osobe.

Odluku o nastavku utakmice u djelimično ili potpuno ispražnjennoj dvorani ili definitivnom prekidu utakmice, također donosi prvi sudija utakmice.

Član 24.

Sudijama se zabranjuje komentarisanje, za javnost, svih momenata u vezi sa odigranom utakmicom.

Sudije su dužne nakon utakmice obaviti sve obaveze vezane za utakmicu.

Nakon utakmice sudije i pomoćne sudije mogu napustiti dvoranu tek po odobrenju komesara.



PROPOZICIJE TAKMIČENJA

Član 25.

Disciplinsku odgovornost sudija koji ne poštuju odredbe košarkaških Pravila i svoju dužnost neobavljaju u skladu s ovim Propozicijama, konstatuje i riješava Komesar takmičenja.

U slučajevima vezanim za povrede ovih Propozicija, kaznu izriče Komesar takmičenja, a u slučaju povrede košarkaških Pravila kaznu izriče Komesar takmičenja, na osnovu stručnog mišljenja nadležnog organa Sudijske Komisije KSTK.

-POMOĆNE SUDIJE

Član 26.

Pomoćne sudije, obučene od strane nadležnog Košarkaškog saveza obezbjeđuje klub domaćin.

Za delegiranje sudija u mjestima u kojima djeluje lokalna ili regionalna nadležna sudijska organizacija ona delegira pomoćne sudije, a troškove njihovog angažmana snosi klub domaćin.

Član 27.

Pomoćne sudije moraju objektivno obavljati svoje dužnosti, bez komentarisanja odluka službenih lica i ponašanja drugih aktera utakmice.

Pomoćne sudije koji ne poštuju odredbe košarkaških Pravila i svoju dužnost ne obavljaju u skladu s ovim Propozicijama, a time utiču na regularnost utakmice, mogu smijeniti same Sudije.

Zamjena pomoćnih sudija može se izvršiti i na prijedlog komesara.

Disciplinsku odgovornost pomoćnih sudija koji ne poštuju odredbe košarkaških Pravila i svoju dužnost neobavljaju u skladu s ovim Propozicijama, konstatuje i riješava Komesar takmičenja.



PROPOZICIJE TAKMIČENJA

V - PROTOKOL KOMESARA UTAKMICE

Član 28.

Nakon utakmice komesar je dužan sastaviti Izvještaj o odigranoj utakmici u zvaničnom obrascu Lige.

Dio obrasca popunjavaju i službeni predstavnici ekipa i prvi sudija, a svojim potpisom potvrđuju autentičnost napisane izjave.

Ukoliko na utakmici nije prisutan komesar, za popunjavanje obrasca je zadužen prvi sudija

Domaćin utakmice je dužan obezbijediti obrasce i prostor za neometano ispunjavanje obrasca Izvješataja utakmice.

Izvještaj komesara utakmice, zajedno sa zapisnikom utakmice, komesar je dužan dostaviti lično u kancelariju Košarkaškog saveza tuzlanskog saveza prvog radnog dana nakon odigravanja utakmice do 10,00 sati.

Ukoliko je komesar utakmice spriječen dostaviti izvještaj lično isti je potrebno skenirati i poslati putem elektronske pošte u predviđenom roku, a orginale dostaviti naknadno.

Član 29.

Dopunski izvještaj komesara se sastavlja u slučajevima prekida utakmice, nasilnog ponašanja bilo kojeg aktera utakmice, publike ili trećih lica koja su dio utakmice. Izvještaj se sastavlja u jednom primjerku i dostavlja komesaru takmičenja.

Komesar takmičenja Dopunski izvještaj može zahtjevati i od sudija i predstavnika klubova, koji se dostavljaju naknadno putem elektronske pošte.

Član 30.

Sudija koji je donio odluku o isključenju igrača, trenera ili službenih osoba, dužan je obavijestiti komesara o razlogu isključenja i da li podnosi prijavu.



PROPOZICIJE TAKMIČENJA

Ukoliko komesar i sudije podnose prijavu, dužni su opisati sve sporne trenutke u vezi sa disciplinskim prekršajem.

Član 31.

Na posebnom obrascu, podnosi se prijava protiv izvršioca disciplinskog prekršaja. Komesar u posebnom izvještaju obavezno sasluša izvršioca prekršaja.

Zapisnik sa saslušanja obavezno potpisuje izvršilac prekršaja.

Službena lica niti drugi akteri koji učestvuju u procesu prijave protiv izvršioca disciplinskog prekršaja ne smiju o navodima sa utakmice obavještavati javnost putem medija, lično ili putem društvenih mreža.

VI - DUŽNOSTI DOMAĆINA UTAKMICE

NAJAVA UTAKMICE

Član 32.

Domaćin utakmice pismeno obavještava nadležno tijelo za vođenje lige o vremenu i mjestu odigravanja utakmice.

Mjesto, dan i sat odigravanja utakmice klub domaćin dužan je pismeno prijaviti najkasnije pet dana prije odigravanja utakmice.

Ukoliko komesar takmičenja odluči da je za neku utakmicu potrebno osigurati dodatne sigurnosne uslove za odigravanje utakmice, domaćin je dužan prijaviti mjesto, dan i vrijeme odigravanja utakmice nadležnoj stanici javne bezbjednosti 48 sati prije njezina održavanja, odnosno u vremenu u kojem to zahtijeva nadležna stanica JB/PU.

Član 33.

Domaćin utakmice je dužan komesaru/prvom sudiji utakmice 30 minuta prije početka utakmice dostaviti sve potrebne obrasce (službeni zapisnik, Izvještaj komesara utakmice a zapisničkom stolu službeni zapisnik.



PROPOZICIJE TAKMIČENJA

-BEZBJEDNOST UČESNIKA, GLEDAOCI

Član 34.

Domaćin je dužan na svakoj utakmici odrediti osobu zaduženu za obezbjeđivanje uslova za sigurno odigravanje utakmice. Ta osoba može biti redar, angažovana redarska služba ili službeni predstavnik, koja je dužna na zahtjev službenih lica osigurati sigurnost svih učesnika utakmice.

Na zahtjev prvog sudije, osoba za obezbjeđivanje uslova za sigurno odigravanje utakmice mora osigurati da treća lica koja ugrožavaju bezbjednost bilo oko kojeg učesnika na utakmici napuste mjesto odigravanja utakmice.

Ukoliko to domaćin utakmice nije u mogućnosti uraditi, utakmica se prekida, a o daljim postupcima odlučuje Komesar takmičenja.

Domaćin je dužan osigurati osobe i pribor za sušenje mokrog dijela igrališta.

Osoba odgovorna za sprovođenje ovih odredbi je službeni predstavnik kluba.

Domaćin utakmice dužan je organizovati i sprovesti sve aktivnosti kod eventualnog nastanka epidemije ili pandemije. Rukovodstvo Lige mladih će izdati dopune Propozicija takmičenja u kojima će se definisati potrebni protokol u kojem će se precizirati potrebne mjere i aktivnosti u skladu sa nastalom pandemijom.

Član 35.

Dužnost domaćina je da poduzme sve potrebne mjere koje osiguravaju normalni tok odvijanja utakmice.

Domaćin snosi punu odgovornost za sve prekršaje i incidente koji se dogode na samoj utakmici ili neposredno u vezi s njom.

Za incidente koje učine gostujući članovi tima, timski pratioci ili navijači odgovoran je i gostujući klub.



PROPOZICIJE TAKMIČENJA

Nije dozvoljeno nesportsko navijanje koje podstiče na nasilje, vrijeđanje na nacionalnoj, vjerskoj i rasnoj osnovi kao i navijanje koje onemogućava normalni tok utakmice (buka orkestra, zvučna pojačala, eksplozivna sredstva i sl.).

Domaćin ne smije dozvoliti posjetiocima da na bilo koji način povrijede prostor za igru unutar ograde.

U slučaju nereda na terenu ili u dvorani, domaćin mora poduzeti sve mjere i potpuno zaštititi sve članove obje ekipe, sudije i komesara.

Dužnost domaćina je da osigura njihov nesmetan odlazak u svlačionicu, a članovima gostujuće ekipe, sudijama i komesaru odlazak iz grada.

Svaki pokušaj napada na obje ekipe ili službena lica bit će NAJSTROŽIJE kažnjen.

Član 36.

Za svaki prekršaj koji učini klub domaćin, komesar takmičenja izreći će kaznu u skladu s kriterijama za izricanje kazni prema ovim Propozicijama i Disciplinskom pravilniku KS BiH.

-ZDRAVSTENA ZAŠTITA

Član 37.

Domaćin na svakoj utakmici osigurava materijal za ukazivanje prve pomoći, a ukoliko se ukaže potreba i prijevoz do najbliže zdravstvene ustanove za svakog učesnika utakmice kome je to potrebno.

-OBILJEŽJA

Član 38.



PROPOZICIJE TAKMIČENJA

U dvoranama u kojima se odigravaju utakmice Lige mladih KS TK mogu biti istaknuta slijedeća obilježja: Državna zastava Bosne i Hercegovine. Uz državnu zastavu, može biti istaknuta i zastava entiteta, kantona, regije, grada i kluba.

Strogo je zabranjeno isticanje obilježja koja vrijeđaju bilo kojeg učesnika utakmice.

Komesar utakmice od službenog predstavnika kluba domaćina može tražiti uklanjanje uvredljivih obilježja, transparenata, natpisa ili slično. Službeni predstavnik je dužan obezbjediti uklanjanje spornih obilježja.

-UREĐAJI

Član 39.

Domaćin je dužan u dvorani osigurati elektronsku opremu za vođenje rezultata, te mjerenje vremena utakmice i napada. Također domaćin je dužan obezbjediti i drugu opremu - pomoćne uređaje i to:

- pokazivač alternativnog posjeda lopte
- pokazivače bonusa
- pokazivač ličnih grešaka

U dvoranama u kojima nepostoje elektronski uređaji domaćin je dužan obezbjediti i:

- Sat za mjerenje vremena (stolni)
- štoperica za mjerenje 14 i 24 sec. i minute odmora ,
- uređaj za objavljivanje posljednjih 10 sec napada (gong),
- pokazivač rezultata (ručni semafor)

U slučaju kvara na elektronskim uređajima domaćin je dužan obezbjediti alternativne uređaje navedene u ovom članu propozicija.

VII -TOK UTAKMICE

Član 40.

Početak utakmice i tok utakmice, regulisani su košarkaškim Pravilima.



PROPOZICIJE TAKMIČENJA

Dvadeset minuta prije početka utakmice prvi sudija provjerava da li je domaćin udovoljio odredbama košarkaških Pravila i ovih Propozicija, da li se na igralištu nalaze pomoćne sudije, te da li su svi uređaji u ispravnom stanju.

Ukoliko se neki od uređaja pokvari za vrijeme utakmice, utakmica će se nastaviti uz pomoćne uređaje, koji su propisani pravilima igre.

Član 41.

Način bodovanja i određivanje poretka ekipa obavlja se na temelju košarkaških Pravila.

Ukoliko ekipa iz bilo kojih razloga napusti takmičenje ili odlukom Komesara takmičenja bude isključena iz takmičenja gubi pravo nastupa u Ligi mladih u narednoj takmičarskoj sezoni.

VII- POSTUPAK PROTESTA (ŽALBE)

Član 42.

Ekipa može da uloži protest (žalbu) ako smatra da su njeni interesi drastično ugroženi, **samo** u slijedećim slučajevima:

- greškom u vođenju zapisnika, mjerenju vremena i perioda šuta,
- odlukom da se utakmica izgubi bez borbe, poništi, odloži, ne nastavi ili ne odigra,
- prekrše odredbe pravilnika o pravu nastupa igrača

Proces žalbe započinje potpisivanjem kapitena ekipe i za to propisanoj rublici u Zapisniku sa utakmice.

Najavljeni protest (žalba) se u pismenom obliku unosi u posebnom izvještaju, najkasnije 20 minuta po završetku utakmice.

Podnosilac protesta obavezan je da u posebni izvještaj unese tačne i precizne navode zbog koji se žali a koje su definisane u prvoj alineji ovog člana.



PROPOZICIJE TAKMIČENJA

Po prijemu protesta (žalbe) sudije utakmice i komesar daju svoje mišljenje i pismene izjave o navodima iznesenim u žalbi. Komesar utakmice (prvi sudija) je dužan žalbu sa prikupljenim izjavama odmah dostaviti Komesaru takmičenja.

Detaljnija obrazloženja žalbe, ekipa koja je uložila protest mora dostaviti u roku od 24 sata nakon odigrane utakmice.

Za svaku žalbu mora biti uplaćen iznos od 100 KM prvi radni dan po odigranoj utakmici, a dokaz o uplati dostaviti elektronskom poštom do 12,00 sati.

Član 43.

Žalba koja nije najavljena potpisom kapitena, koja nije na vrijeme uručena komesaru, te žalba za koju nije uplaćen iznos u vrijednosti 100 KM do utvrđenog termina neće se uzimati u razmatranje.

Član 44.

Komesar takmičenja može žalbu usvojiti ili odbiti.

Kada žalbu odbije, utakmica se registruje postignutim rezultatom, a podnosiocu žalbe uplaćena taksa se ne vraća. Kada žalbu usvoji, utakmica će se poništiti i odrediti odigravanje nove, a podnosiocu žalbe uplaćena taksa se vraća.

Odluku o žalbi komesar takmičenja mora donijeti najkasnije u roku od 48 sati po odigranoj utakmici.

Komesar takmičenja svoju Odluku saopštava putem fax-a ili email-om.

Član 45.

Na Odluku Komesara takmičenja nije dozvoljena žalba.



PROPOZICIJE TAKMIČENJA

IX - KAZNENEODREDBE

Član 46.

Prekršaj ovih Propozicija kaznit će se na osnovu člana 47.

Za teže prekršaje i prekršaje koji nisu predviđeni u članu 48. ovih Propozicija primjenit će se odredbe Disciplinskog pravilnika KS BiH.

Član 47.

Utvrđeni su kriteriji novčanih i vremenskih kazni za sljedeće vrste prekršaja klubova, igrača, trenera i drugih službenih osoba i to:

KAZNE ZA TRENERE, IGRAČE, ZAMJENIKE i TIMSKE PRATIOCE:

- nakon dvije dosuđene tehničke greške igraču u toku sezone, igrač se suspenduje za narednu utakmicu
- svaka dosuđena tehnička greška treneru kažnjava se sa 20 KM
- svaka dosuđena isključujuća greška igraču kažnjava se suspenzijom za narednu utakmicu
- svaka dosuđena isključujuća greška treneru kažnjava se sa 30 KM
- prijava protiv trenera ili igrača, za koju se utvrdi da je opravdana, kažnjava se suspenzijom za narednu utakmicu
- fizički obračun sa akterima utakmice tokom i nakon utakmice, suspenzija i pokretanje disciplinskog postupka
- svako evidentirano javno komentarisanje (u medijima i društvenim mrežama) službenih osoba angažovanih na utakmicama Lige mladih, odluka Komesara takmičenja, vrijeđanje i komentarisanje svih drugih učesnika u takmičenju po bilo kom osnovu, kažnjava se oduzimanjem licence igrača, trenera i drugih službenih lica.
- igrači koji budu nastupali pod falsifikovanim imenima ili falsifikovanim godištim, kažnjavaju se suspenzijom do kraja sezone.



PROPOZICIJE TAKMIČENJA

- trener i službeni predstavnik ekipe koja bude nastupila sa igračima koji imaju falsifikovana imena ili falsifikovana godišta, kažnjava se novčano sa 100 KM i 10 utakmica zabrane obavljanja bilo kakve dužosti na utakmicama ovog takmičenja.
- Ekipa u kojoj nastupaju igrači iz predhodnog stava gubi pravo nastupa za tekuću i narednu sezonu.

Komesar takmičenja može donijeti i druge kaznene odluke koje nisu navedene u ovom članu a u skladu sa odredbama drugih pravilnika i akata koja se primjenjuju u takmičenjima pod okriljem KSBiH.

KAZNE ZA KLUBOVE:

- Loša organizacija utakmice, novčana kazna do 50 KM,
- Ponovljen slučaj loše organizacije utakmice, novčana kazna do 100 KM,
- Ugrožena sigurnost učesnika utakmice, novčana kazna do 100 KM i mogućnost suspenzije dvorane,
- Evidentirani incidenti sa fizičkim obračunom tokom i poslije utakmice, novčana kazna do 100 KM i mogućnost suspenzije i isključenja iz Lige
- Evidentirano javno komentarisanje (u medijima i društvenim mrežama) službenih osoba, odluka komesara takmičenja, vrijeđanje i komentarisanje svih drugih učesnika u takmičenju po bilo kom osnovu, putem klupskih web stranica i stranica na društvenim mrežama, novčana kazna do 100 KM, u slučaju ponovljenog prekršaja izbacivanje iz Lige.
- Klub može samo jednom da izgubi utakmicu bez borbe i to u slučaju kad se ekipa ne pojavi na terenu 15 minuta nakon termina predviđenog za početak utakmice, ili u slučaju da svojim djelovanjem sprečava nastavak igre ili odbije da igra nakon poziva glavnog sudije. U ponovljenom slučaju selekcija koja je po ovim osnovima izgubila utakmicu bez borbe, se diskvalifikuje do kraja takmičenja a klubu (svim selekcijama) se automatski uskraćuje pravo nastupa u narednoj takmičarskoj sezoni.



PROPOZICIJE TAKMIČENJA

KAZNE ZA SLUŽBENA LICA (sudije i komesare utakmica)

- Evidentirano nesavjesno obavljanje dužnosti, novčana kazna do 50 KM i suspenzija do tri utakmice nedelegiranja
- Fizički obračun sa akterima utakmice tokom i nakon utakmice, brisanje sa liste službenih lica i pokretanje disciplinskog postupka
- Evidentirano javno komentarisanje (u medijima i društvenim mrežama) drugih službenih osoba, odluka komesara takmičenja, vrijeđanje i komentarisanje svih drugih učesnika u takmičenju po bilo kom osnovu, novčana kazna do 100 KM, suspenzija na određeni vremenski period ili do kraja sezone

Sve ostale mjere koje nisu pokrivena članom 48. ovih Propozicija, bit će tretirane na osnovu Propozicija i pravilnika KS BIH.

Izrečene kazne i zabrane izvršavaju se uplatom na žiro račun Košarkaškog saveza tuzlanskog kantona, a dokaz o uplaćenju kazni je potrebno sudijama ili komesaru na slijedećoj utakmici.

Član 48.

O Disciplinskim prekršajima iz člana 47. ovih Propozicija koji se odnose na klubove, igrače, trenere, službene predstavnike ekipe, sudije i komesare na utakmicama Lige mladih KS TK u sezoni 2023/2024 godine proceduru sprovodi i odluke donosi Komesar takmičenja.

X - FINANSIJSKE ODREDBE

Član 49.

Ekipe učesnice Lige mladih KS TK, snose svoje troškove takmičenja. Troškovi službenih lica se isplaćuju iz iznosa kotizacije čiji se iznos određuje na sastanku rukovodstva Lige i predstavnika klubova pred početak sezone.

Utvrđena je kotizacija za takmičenje u visini od 2100 KM za ekipe koje imaju sve tri selekcije odnosno 1600 KM za ekipe koje imaju dvije selekcije.

Prvi dio kotizacije potrebno je uplatiti do kraja oktobra (31.10.2023. godine) a drugi dio do 30.01.2024. godine.



PROPOZICIJE TAKMIČENJA

Ekipe koje ne izvrše uplatu prvog dijela kotizacije smatra se da odustaju od Lige i neće imati pravo nastupa u daljem takmičenju.

Član 50.

Klubovi su obavezni finansijska potraživanja prema odluci Komesara takmičenja o kotizaciji i novčanim kaznama uplatiti u roku određenom prema Propozicijama i Biltenima od dana prijema računa, odnosno od pravosnažnosti Odluke.

Ukoliko se finansijska potraživanja ne podmire u utvrđenom roku, klub je automatski suspendovan. Žalba na odluku ne odlaže njeno izvršenje.

Klub koji ne podmiri svoje finansijske obaveze prema Takmičenju, ili prema matičnom košarkaškom savezu, na osnovu odluke Komesara takmičenja, kao i na osnovu ovih Propozicija, ne može igrati utakmice u sljedećoj prvenstvenoj sezoni dok ne podmiri svoje finansijske obaveze.

Član 51.

Slučajeve koji nisu predviđeni ovim Propozicijama, riješava Predsjedništvo KS TK

Član 52.

Ove Propozicije tumači Komesar takmičenje a u iznimnim slučajevim Predsjedništvo KS TK.

Tuzla, 27.09.2023. godine

Komesar takmičenja:

Rb.: 27-09/23
